

5-



清江縣藝文志

書目

宋

春秋說傳

權衡 說例 文 意林 合四寸卷

七經小傳

五卷

弟子記

五卷

公是集

六十卷 已上劉敞著

五代春秋

十五卷

內傳國語

二寸卷

經史新議

七卷

東漢刊誤

四卷

漢官儀

三卷

詩話

二卷

芍藥譜

三卷

公非集

五十卷 已上劉攽著

曾子內外雜篇

七卷

續說苑

十卷



訓蒙新書

墨莊總錄

祭儀

時令已上劉清之著

向薌林文集

向子誼著

桂隱集

向士虎著

三朝北盟會編

三百五十卷

北盟集補

三十卷

讀書記志

集醫錄

集仙錄

已上徐夢莘著

左氏國紀

二十卷

史記年紀

柳江志

鼓吹詞

叢筆畧

已上徐得之著

周禮微言

漢官考

四卷

姓氏源流

已上徐筠著

兩漢會要

七十卷

仕學心錄

已上聶嘉著

徐侍郎文集

三十卷徐卿孫著

德菴類稿

三十卷

詩稿

二十卷

集錄

十卷已上黃祁著

溶溪集

胡思誠著

元

四經表義

六書通編

十原

清江碧嶂集

已上杜本著

燕然稿

東方稿

海康稿

豫章稿

侯官稿

江夏稿

百丈稿

已上范梈著

北遊雜詠

皮縉著

易象圖說 張理著

玲瓏窓吟稿 徐基著

鳴秋稿 張斐著

鑑池春草集 楊士弘著

吾齋類稿 吳卓著

樗隱集 周恒著

國朝

山陰集 劉永之著

蕙楊稿 彭鏞著

理學類編 八卷

群書備數 十二卷

元史節要

吾樂山房稿 已上張九韶著

新增復古編 吳均著

書經奧義

悟中集

富春詩集 已上嚴玄著

觀過稿

斐然稿

徵士集 已上黎恬著

易書考

詩春秋口義

禮記說類稿

學庸章句總圖

四書講義

奇門遁甲兵機 二卷

奏疏 已上劉翔著

東洲集 陳安著

雲田集 彭綱著

鳴春集 孫治著

鷺沙集 孫偉著

臨江先哲言行錄 一卷

發軒文集

筆記 已上龔守愚著

心遠堂詩文章

綠雪亭雜言

東谷贅言

霞外雜俎

感舊錄

慎言集訓

四川錢穀考

備邊志

已上款 英著

序卦傳測

祠堂議

賄方辨

疾疾稿

金陵稿

山東鹽法志

已上王 賈著

南雍會紀

寓台稿

梅江集

已上杜 欽德著

詩經便曉

熊迷 著

四書讀法

五經辨疑

道德經註

讀律舉隅

已上楊 暈著

自得堂集

十二卷

政畧

二卷 已上 龍備著

警語類抄

程達 著

小學約抄

廣西府志

善彥堂集

已上蕭 以裕著

南臺奏疏

閩汀集

白下吟

遺稿

已上彭 而珩著

信古樓詩草

黃之 俊著

讞疑錄

熊鑛 著

靜儉堂集

熊化 著

工垣疏草

祝擢 祖著

附臨江府志

國初原志今已殘缺弘治十三年郡守吳公叙修十五年郡守徐公顯重修凡九卷隆慶六年郡守管公大勳重修凡十四卷三志俱存

清庠志補

萬曆二十三年 教諭吳頌創修

仰德祠志

本學訓導 朱濟卿輯

諸書序目

曾子書七篇序 朱熹撰

向薌林文集序 朱熹撰

止堂文集序 魏了翁撰

理學類編序 吳當撰

群書備考序 梁寅撰

山陰集序 梁寅撰

臨江先哲言行錄序 龔守愚撰

心遠堂詩草序 李濂撰

心遠堂文章序 黃城撰

清庠志補序 高傑撰

清庠志補序 蕭胤儒撰

清庠志補自序 吳績撰

文 朱曾子書七篇序

秘閣 朱熹 婺源人

曾子書七篇其內篇一外篇雜篇各三吾友清江劉

清之子澄所集錄也昔孔子沒門人唯魯氏為得其

傳其後孔子之孫子思樂正子春公明儀之徒皆從

之學而子思又得其傳以授孟軻故其言行雜見於

論語孟氏書及他傳記者為多然皆散出不成一家

之言而世傳曾子書者乃獨取大戴禮之十篇以充

之其言語氣象視論孟檀弓等篇所載相去遠甚子

澄蓋病其然因輯此書以傳學者而於其精粗純駁

之際尤致意焉於戲若子澄者其可謂嗜學也已然
熹嘗考之竊以謂曾子之爲人敦厚質實而其學專
以躬行爲主故其真積力久而得以聞乎一以貫之
之妙然其所以自守而終身者則固未嘗離乎孝敬
信讓之規而其制行立身又專以輕富貴守貧賤不
求人知爲大是以從之游者所聞雖或甚淺亦不失
爲謹厚脩潔之人所記雖或甚疎亦必有以切於日
用躬行之實蓋雖或附而益之要亦必爲如是之言
然後得以自託於其間也然則是七篇者等而別之
雖有內外雜篇之殊而其大致皆爲有益於學者非

它書所及也讀者誠能志其大而必謹其小歷其淺
而徐望其深則庶乎其無躐等之病而有日新之功
矣淳熙八年九月丁丑新安朱熹謹記

宋向薊林文集序

秘閣
修撰朱熹婺源人

張子房五世相韓韓亡不愛萬金之產弟死不塋爲
韓報仇雖博浪之謀不遂橫陽之命不延然卒藉漢
滅秦誅項以攄其憤然後弃人間事導引辟穀託意
寓言將與古之形解銷化者相期於八紘九垓之外
使千載之下聞其風者想像歎息不知其心胷面目
爲如何人其志可謂壯哉陶元亮自以晉世宰輔子
孫耻復屈身後代自劉裕篡奪勢成遂不肯仕雖其
功名事業不少槩見而其高情逸韻播於聲詩者後

世能言之士皆自以爲莫能及也蓋古之君子其於天命民彝君臣父子大倫大法之所在惓惓如此是以大者旣立而後節槩之高語言之妙乃有可得而言者如其不然則紀遠唐林之節非不苦王維儲光羲之詩非不脩然清遠也然一失身於新莽祿山之朝則其平生之所辛勤而僅得以傳世者適足爲後人嗤笑之資耳愚嘗以是觀於古而驗於今而於薌林居士向公之書竊有感也公之世家自丞相文簡公始以曠度絕識左右真宗而欽聖憲肅皇后遂以任姒之德母儀天下自是以來慶流宗枝躋聯赫奕

不可稱數然建公之仕則一當靖康建炎之際而國家之變故艱危於是極矣觀其絕僭叛之音郵而縻其家族宣罷府之號令而暢其威靈以至擁羸卒守孤城以抗強虜百勝之鋒遏群盜橫流之勢身皆危於九歿志不可奪及紹興初大臣始決忘仇辱國之計則又慨然上疏再三指言其失無所回避至於疾病且歿而猶勸上以深念創業之艱難不可遽以小康而遂忘大計也此其平生始終大節豈不凜乎其有子房元亮之心哉然二子當時皆不得位而爲之於不可爲之後是以大義雖明而不及有益於人之

國若公乃幸猶得竭股肱之力以依日月之光宗社
再安與有勞烈較其所就則於二子又有光焉是以
中年乞身自放於江湖之上而學士大夫靡然咸服
其高一觴一詠悠然若無意於工拙而其清夷閑曠
之姿魁竒跌宕之氣雖世之刻意於詩者不能有以
過也嗚呼是豈徒以其絕俗離世之難發興吐詞之
工而然哉蓋必有其本矣公之季子大夫公以公文
集三十卷者屬序因竊序其心之所感者如此以附
書之左方後有君子得以考焉

宋止堂文集序

資正殿
學士魏了翁

某自少已知有清江彭公論諫炳炳心鄉往之其後
得公內治聖鑑之書自正始于家刑善於國鑿鑿乎
疏而理也又得止堂訓蒙之書自一本二氣五常五
典娓娓乎密而辯也又於公之子欽見公手澤與樓
劉諸老爲公銘竊則益瞿然自失曰是學之正傳而
吾不得親炙之也廬陵李公鼎受知于公有年矣今
將漕湖南而公之次子鉉來爲屬乃以公平生所爲
文刻諸湘西精舍移書某命識篇首於是盡得公言

行本末披誦累日程子所謂無是言則天下之理有
闕者非此其是與公始讀程子易傳知爲學之要又
從朱張子問辨講切而學益成繇是尊聞行知造次
理道居而訓于孫淑朋類必孝弟謹信志道依仁也
必窮理格物謹獨守約也出而告君父教世子必正
心脩身事親刑家畏天愛民也必尊儒務學簡脩勸
忠別慝癉惡也蓋言未有不根諸理而理未有不求
諸近非若異端之誣民文士之譁世也紹熙定省之
議伏墀扣額懇懇然有號泣隨親起敬起孝之意至
如陳原云社間謀兩宮韓侂胄出入宮闈與聞

大政脫少嬰忤流竄隨之公盡力排詆無少回撓
文節公以論吳端出臺公以博士爭之公非有當言
之責也油然而發衷不能自巳嗚呼是言也使見用於
紹熙則二聖重權必有以感移人心迺續天命而內
禪之事無遽也見思於遠元則政歸中書必有以登
額衆正紹開不平而學禁邊議之紛紛不作也文集
凡四十有七卷訓蒙聖鑑與別集不與紹定三年秋

九月己丑朔

文理學類編序

參知吳當崇仁人

古之學者卽事以窮理謹乎褻倫日用以脩身不敢
驚乎高遠也故曰道不遠人性也者人所得乎天以
爲德具于人心宜至切矣孔門穎敏莫先子貢而其
言曰性與天道不可得而聞則聖人之設教可知矣
道絕于戰國經燔于秦漢儒專門授受惟事口耳千
有餘年聖賢不傳之緒中興於濂雒關閩諸君子師
友並起論議精到道學之明於斯爲盛朱子所定諸
經四書既有成說而元之設科取士表而宗之宜後

學之有依賴而無所惑矣間嘗觀有司取性命天道設爲疑問而荅者之牴牾不可勝說何哉徒徵諸儒先之言而無以驗乎身心之實稍以己意增廣演繹則舛譌隨焉於是子貢之言爲益信而每深嘆其未易聞也臨江張氏九韶采周程以下數子所論天地鬼神人物性命之說載於成書及其門人之所錄者輯爲八卷名曰理學類編使學者不待徧閱諸家之書而可考乎天道性命之說其用心仁矣哉嗚呼知性則知天矣反求諸身盡乎吾心之量則天地之故鬼神之迹事物之襍奚待考索推測而後知哉周子

首繼前聖之絕學作爲圖說發明太極以授程子而二程終身未嘗以示學者非不欲門人有聞乎天道之妙也以初學之賢而欲窺見天與聖人之道毫釐之差則或淪於高虛而不知切己之實病則程子之教深有望於後世學者之深造自得之也是編所輯固有功於初學矣然學者不知驗夫身心之實以求聖賢之所同則古昔之言又烏能究其孰同而孰異哉

群書備數序

先生以耆耄之年淳正之學而特承

梁寅
新喻人

天寵許歸田里其家居也樂於閒靜務學之心雖老如
壯所藏之書累數千卷手抄目閱日夕忘倦近又以
為名物之書若目會若小學紺珠若小學名數因世
難散軼後進罕見於是幸蒐群籍益廣類例別為一
編名之曰群書脩數如玄圃積玉無可掄擇而各有
其美君子之為學於義理之精微固所以治身心成
德行於名物之繁曠亦可以益神智廣聰明蓋學之

大小不同而理無大小也嗟夫古書多淪沒後進少見聞誠可惜也先生之成書有理學類編啟入道之門有元史節要著一代之事是編者又以示格物之要先生之惠益豪俊者其心勤矣夫其功多矣夫

山陰集序

梁寅
新喻人

臨江舊稱多士之邦至於近代文章之醇雅尤彬彬迭見蓋作之於前者既所趨之正則踵之其後者愈趨之易矣劉君仲脩郡城之世家也自其少時隨父宦遊之四方固已嗜學業能文辭矣迨兵革搶攘之際與郡士楊伯謙彭聲之諸賢日究論雅道如秦寧之世居則研精六經旁搜諸子史繇漢至唐文章之傳者咸辯其醇疵高下其遣辭發詠追金珠璧鉅篇短章矩度悉合至其歸之至理則如履康莊之衢而

旁岐曲術弗迷所之焉備矣哉立言之工也

天朝徵用儒雅仲修嘗一至京師翰林宋公景濂一見
意合然仲修竟以重聽許辭公欲晋之不可廼賦詩
餞之其歸金川也恬然若將終身而嗣子奉獲罪縣
官乃籍其家奉既歿君亦徙東萊至桃源病卒嗚呼
其可愍也夫唐之陳子昂死射洪縣獄君之以富累
身蓋與之同也子昂文章冠海內君之追古作者亦
與之同也君名承之以好書之篤故自號山陰道士
洪武壬戌孟秋之月同郡梁寅序

先哲言行錄序

廣東布政司叅政 龔守愚 邑人

古之人有言曰後生晚進不復講聞前輩風節學問
源流是致士風日就凋弊旨哉斯言乃知襄陽耆舊
汝南先賢非苟傳也吾郡閭皂玉笥之勝名天下靈
秀所鍾不于物而于人生其地者或制行衡門杜本劉承
類之或流聲政府李諫蕭或列温公黨籍之碑劉奉
孔或與朱子偽學之籍彭龜年章穎會三聘或追卞壺張巡之
蹤陳喬李邈趙孟濟練子盛或厲張良韓偓之操向子誣徐卿或
牧民馭衆以才譎稱蕭貫劉立之孔延之蕭汪之類或挂冠遺榮以

卷之八 六

廉靖著

徐夢莘曾王俊張美和之類

其風節有如此者或深於經

劉敞

或邃於史

劉敞徐天麟

或文追歐曾

謝

或學亞張呂

劉清

或振衣大儒之門

向浩皮潛

或策名道學之傳

張洽

或

詩侔於虞伯生

范梈

或博擬於宋景濂

此者豈徒一鄉之望雖以名天下可也顧惟郡當孔

道荐罹兵燹往牒則磨滅無傳新志則躋駁已甚至

有舉其姓名而莫知誰某者豈非大闕典與僭不自

揆爰輯舊聞以為是編其規制取之朱子名臣錄其

梗槩叅之洪武已已志不敢自出意見妄有增飾聊

以備遺忘致誦法耳區區之心亦願與一二同志共

商確焉若夫網羅放失勒成全書講求源流振起凋

弊則有待於立言之君子云

嘉靖丙戌四月望日

心遠堂詩草序

李濂

君子名世之作當以天下論而不當以一方論也宋
呂紫薇居仁嘗作江西詩派圖自黃山谷而下取陳
無已韓子蒼潘邠老輩二十五人以爲法嗣其大意
推尊山谷爲派之祖而諸君子揚其波夫無已彭城
人子蒼陵陽人邠老黃州人非盡皆豫章也而派之
云者紫薇之意無乃謂諸君子雖非豫章之產而詩
之源流實出於豫章耶自紫薇斯圖一出而劉後村
楊誠齋並有異議此予所以謂君子名世之作當以

天下論而不當以一方論也東谷先生往時督學中州與予談詩于梁臺之下淵乎其源之遠也確乎其評之精也亶亶乎其說之長也今始得斯草而閱焉乃歛衽而嘆曰此名世之作也此予所謂當以天下論者也使紫薇見之鑒賞品題又當何如哉

心遠堂文草序

清江縣知縣 黃城
曲江人

嘗聞八音殊響並奏雅樂五采異文並繪袞章此非人謀之巧所可幾也元氣緼和大素構質假器象以洩其自然之聲色而後九成十二章繇之以曲全苟使闕一亦無以悉觀造化之奇蘊矣乃若文字始於一畫衍於六書體造化之撰顯性術之妙質以基之氣以貫之自然諧律呂成文章以極乎聲色之變經緯天地標揭古今書契以來代有作者皆與造化同運關世道之盛衰其盛也雅聲正色鳴世華國其衰

也淫亂雅紫奪朱聲色徒具何取焉

聖祖得天太和洋溢文治精華劉宋諸公一時撰述渾然天成未落聲色比于

今上百年積德壽考作人海寓漸絃歌之化雲漢應追琢之章文人學士彬彬嚮風發揮幽贖揄揚盛美當一代文明之會亦雅樂之集八音袞章之備五采稱極盛矣我邑東谷先生稟間氣負奇才發爲文辭不事模擬抒己意揣物情窮世變微言探性命正論植綱嘗雖憤世嫉邪微有過激要之本乎自然絕無側媚之態猶八音之各一其節五采之各一其飾均爲

鳴世之雅華國之章得非應運而興之選者乎先生志行峻潔鄉評宦蹟時所推先退老家居足履不至公門非其人罔與接談尚友千古氣雄一世蓋元和未散質素猶存有不專以聲色爲工者然亦不能不假此以自表于世所謂言近而心遠也抑豈足以盡先生之蘊哉先生著作甚富傳刻四出蜀都尤盛竊伏嶺鄙時獲讀綠雪堂記心遠堂詩諸稿已知嚮慕數往來境上逐旅奔忙每以不及面承爲恨乃今幸登先生之堂備領教益總其大要彙爲一集仍以先生心遠堂文章名篇命工翻刻俾海內同好恨相見

之晚者獲此以窺其要旨之所存且以昭 國家人
文之盛於先生有徵云

藝文

清庠志補序

臨江府知府 高從禮 人和

夫史外何以有志也補史氏畧也郡邑其各有志何
通志畧於郡而邑得詳也勢也臨之新志善也蓋成
於太嘗卿管慕雲公守郡皆也其菀文之錄及清庠
者僅三篇去取嚴而簡褻便亦勢也邑故無志也故
與將何托以傳乎吳學博條識之所繇補也嗟夫典
幹不副其術業濫竽爾述造不關於世教畫脂爾摩
研不中乎繩削故帚爾若者皆譏無取焉余之是取
也爲其不虛席不越俎爛史學而裨今昔世有賴也

其呈以請也猶然不敢自信也余信其可錄也因名其集粵志補而弁之以言萬曆乙未長至日穀旦

又

黃陂縣知縣蕭胤儒

邑人

清庠志補者何邑史吳君紀清江學務郡守相高翁名之曰志補嘉之也庠舊無志清邑亦無志安所補之志今日之在庠者補庠也翌日志邑者攷焉補邑也是故志勝覽而疆域弘矣志規制而宮墻見矣志祥徵而淵源邃矣志興學而經營詳矣志祭典而禮文秩矣志書籍而簡奏具矣志官署而模範彰矣志

彙征而尚友裕矣志衣衾而因革審矣志石刻而人文炳矣志殫記而器物覈矣文獻足徵豈曰小補之義夫有守相有學史曷不於邑乎志之往令未舉新令未至尸祝不樽俎越也邑罔不志胡爲乎不姑待之吳君文綜天人才優班馬明偕計吏首對大廷值天子考文正史之會則書笏餌彤紀言事於宣室褒善貶惡垂勸誠於青編正需君急也烏能爲清江待哉然則是編也其孟氏所稱爲之兆乎

自序

清江縣儒學教諭吳續

續

洋梁人

夫美彰盛猷徽傳芳烈類皆托之金石然三代石刻如壇山癸巳吉日漫無可攷獨存一石鼓文儻非表章於唐瓌詞道畫不卽濟河俱沉耶慨杞宋者憶文獻存文武者幸方策意念深矣余讀庠石刻恠其無攷焉嗟嗟彼嘉意首事者詎不爲一肯豪舉而嚮泐若爾得非文謝於登載代恠於賞音歟可慨已世閱人而爲世感慨則同莫爲之圖慨將何極因卽其存者錄之諸圖竊關係學典者條識之鴻髦振藻輻疇承風芳猷其藉此足徵云

詩文總目

賦一首

四言古詩二首

五言古詩十九首

七言古詩十一首

五言律詩十四首

七言律詩三十一首

五言排律一首

七言排律一首

五言絕句三首

七言絕句四十二首

碑記四十九首 生祠碑記概未錄

議二首

賦

秋懷賦

宋劉攽

世量力以爲智兮孰不自師其成心不強短以彼脩兮
 亦各濟其所任蓋周任之明德兮予嘗服於德音性專
 直其似愚兮遂底滯而廢沈惟古人有不遇兮亦奚慨
 於斯今昔旣冠而從仕兮冀陳力而帥職何日月之不
 淹兮壘壘至乎不惑世與我其異衷兮魯予懷之默默
 數廢日而倍參兮頽自竭而安得將奔而及事兮愧初
 心而變色譬游者之無術兮念愈躁而愈沒荷衆賢之
 并容兮魯介善之不遺辱興廉之末舉兮遂以造夫攸

司君之門不可以徑入兮既待詔而歷時唯褊心之狹兮樂繩墨其自持誠詭過其有獲兮雖得獸而耻之信天命之有在兮非智勇其孰勿疑時既秋而涼風兮草木落而變衰日月麗於西廂兮蟋蟀迅而鳴悲闕四序之代謝兮既逝者之如斯憚我心之弗獲兮起惆悵而稱詩

四言古詩

閔雨

宋劉敞

臣伏見春首以來天文不雨曆官李用晦治大行軌革太醫趙從古治黃帝六氣咸以謂風旱歲惡然陛下焦心勞意側躬脩德蕃樂損膳議獄宥過以迎導善氣爰及言事得罪者唐介杜樞之徒復特見甄序小大之臣莫不欵然人情悅則天氣和矣乃三月巳巳日入而雨至於庚午詩不云乎益之以霪霖既優旣渥旣霑旣足生我百穀以此見聖人之德與天相符言出而物應行發而神助雖冰旱之占有嘗數者

猶不能違之况其眇者乎竊觀詩書所載盛德之君
至誠動天之速未有及陛下者也臣不勝鼓舞之至
謹撰閱雨詩一首十三章章六句投進以聞

堪與網緼一晦一明或沉而毀或亢而賜自古以然世
習為營民生冥冥靡究靡知其幸而吉不幸而災猖狂
妄行惟其所之天命降鑒在我元聖兼覆慶祿四方既
定維民之恤無所疵病伊年暮春旱久不雨人曰時哉
靡有甞數禹湯之賢莫能弗遇帝獨喟息是豈是言化
言萬物若鎔以坭患在誠薄不能動天退而齋心淵嘿
以居鍾鼓不抃宴游不娛左右肅然一懷瞿瞿踈獄者

已巳乃雨若有鬼神妻其風淪淪其云自東
雁近攝

但西無不均匪震匪拔匪溢匪洩生我百穀區萌畢
遂以亭以食小大胥悅天子之德視雨之施肇自京師
遂于四裔無有蠻貊孚我君惠天子之政視雨之時養
老長勿速哉熙熙更化易俗而民不知天子之慶視雨
之積自天降康時萬時億眉壽無疆以靖四國

古風

劉敞

子欲富矣何用為富農不若工工不若賈子欲貴矣何

猶不能違之况其眇者乎竊觀詩書所載盛德之君
至誠動天之速未有及陛下者也臣不勝鼓舞之至
謹撰閔雨詩一首十三章章六句投進以聞

堪輿網緼一晦一明或沉而毀或亢而賜自古以然世
習爲嘗民生寘寘靡究靡知其幸而吉不幸而災猖狂
妄行惟其所之天命降鑒在我元聖兼覆慶裕四方旣
定維民之恤無所疵病伊年暮春旱久不雨人曰時哉
曆有嘗數禹湯之賢莫能弗遇帝獨喟息是豈足言化
育萬物若鎔以埏患在誠薄不能動天退而齋心淵嘿
以居鍾鼓不抃宴游不娛左右肅然一懷瞿瞿疏獄者

色氣廷式序在

惟近慢

已巳乃雨若有鬼神淒淒其風滄滄其云自東
徂西無不均匪震匪拔匪溢匪洩生我百穀區萌畢
達以亭以食小大胥悅天子之德視雨之施肇自京師
廷于四裔無有蠻貊孚我君惠天子之政視雨之時養
老長幼速哉熙熙更化易俗而民不知天子之慶視雨
之積自天降康時萬時億眉壽無疆以靖四國

古風

劉敞

子欲富矣何用爲富農不若工工不若賈子欲貴矣何

用爲貴德不若名名不若勢粹兮純兮三五之人兮終
寔且貧兮孰知其珍兮

五言古詩

墨莊五咏

宋朱熹

墨莊

詩書啟山林德義久儲積嗣世知有人新畚更開闢

列軒

窻開深井泉窈窕千丈碧何幸且淵澄無勞遽心惻

靜春堂

幽人本何心偶此得安堵隱几亦無言光風遍窠宇

玩易齋

竹几橫陳處素編半掩時寥寥三古意此地有深期

君子亭

倚杖臨寒水披襟立晚風相逢數君子爲我說濂翁

薊林

朱熹

東臯濺寒水西嶮饒清陰南埭奎壁麗北垞靜且深入
門流綠茂竹樹何蕭森積石象雲壑高堂杳沉沉右通
雲水區左逕梅杏林沼沚相回薄觀臺鬱差參紛吾千
里遊餐藥雨山空過門得佳賞慰此夙夕心緬懷企踈
翁歲晚望雲霓安妻此澗谷俯仰成古今嗣德世有人
問道我翁徒相見無雜語晤言寫胸襟懷舊復惆悵命
酒聊同酌飲罷我當去握手清江潯

美郡守王遵禁羅雀

李大異

清江有奇饒飛爵金染裾但爲挾綿纒不能保頭顱紛
紛墮畢弋往往充苞苴公帑每市之歲戮三萬餘庖丁
奏膚功香蕈雜清蔬餽罌走四方道路日無虛使君桐
山喬手握銀兔符筆端散雷雨千萬歌來蘇下令禁羅
雀遐邇皆懽呼我聞則隱端本原在軻書匍匐當亟拯
殼棘當勿誅作詩驗後人此意不可渝

寓瀟洲田庄

明劉永之

邑人

暄風變時節春衣猶未換城郭日驅馳郊坰偶遊觀新
蕪望中綠飛花坐來滯濁酒聊自傾醉卽眠山館

蕭灘驛

孫備

邑人

生涯此江水波浪敢輕越開呀天無風隨意釣舟發

峽山寺

徐穎

海鹽人

閣皂東峯三折北逕四里爲峽山寺瀑水
滙其門竹石高間自成一壑中有百歲僧

峽雪沍冰泥春氣不得上竹栢結高寒寺門闕青嶂泉
從東峰來神丹有遺響飲者不知功齒髮日加長

感遇

熊化邑人

石磻有喬松託生本孤特鬱鬱別芳華亭亭負貞直歲
晚冰雪寒悲風助悽惻榮芬任凋謝傲骨寧折抑春光
綠野草女蘿生其側因緣附松根孀孀弱無力延蔓食
其滋松亦爲減色樵夫偶過之斧柯乃得施女蘿斬刈
盡勢必傷松枝松枝旣已傷松葉亦披離草木自有性
榮瘁豈無知所與苟非類同患固其宜寄語高崗栢貞
心凜自持懇勸謝蔓草無勞攀附爲

文昌閣

清江縣知縣梁士濟南海人

高閣連雲峻登臨萬里親悠然小天下座上列星辰閣
山橫黛色拱揖若來賓俯矚大江帆太虛一點塵谷風
飄暮雨吹徧萬家春不騁雲霄目安知天澤均觀世得
無礙高明不暇神廻首京華望天邊析木津

夏日郵亭

梁士濟

送客東郊道衝炎停午時行塵隨馬暗我僕屢告疲遙
望綠槐陰安得亟就之焉知負薪者酣卧枕方歆弛擔
無榮辱夢竟絕驚疑美爾王喬侶翻然泣路岐

東郊雨中

梁士濟

命駕出芳郊甘雨瀰平陸流潦縱復橫鄰溝塍逐田
家東作喜布種兼種稷屈指計秋成輪輓連艦舳且免
吏呼門相安不佩犢翩翩新來燕啣泥還舊屋今歲復
明年時來自獲宿却惟道旁人說劍且擊筑逢年苟不
能吁嗟終頻驚

甲子日喜初晴

梁士濟

俗傳初夏甲子日晴則風雨調和雨則亢旱不收壬申春月苦雨傷稼農家皇皇咸待甲子爲卜及期果霽士民相慶守土之吏免於僇尤矣欣然賦之

積雨春連夏青苗半欲黃田家屈指計甲子定饑饉未
卜終年飽先憂輪輓忙呼吏吏何答呼天天不忘及晨
日杲杲下土遍輝光千耦競耘耔皇穹迄降康疆域何
多難師行必裹糧天祚明明德受命政溥將盼嚮徵時
若有年書上祥蕩平從此兆臣請拜稽颡

四誠歌

清江縣知縣秦鏞無錫人

勸君勿作賊作賊非良圖疋布與斗粟所得亦鎔銖柰
何惑且狂以之喪其軀從今好爲善明朝有赦書○勸

君勿爲盜赤子塗肝腦黥捕利可啖廉吏恩終少天網
故自寬雷電欲相繞一朝法鏡臨頭願卒難保

右誠竊盜

江濱有奇俗積習傷雅化生男事他人生女不出嫁男
去離膝前婿來寄廡下如登傀儡場骨肉緣皆假兒亦
自有父兒亦自有母一朝兩決絕斑衣向誰舞力田供
子職責遂逢彼怒廻念生我恩泣涕淚如雨兄亦自有
弟弟亦自有兄云何陌路人肩隨且徐行本非共樹花
安有唐棣情一朝相殘賊方知恩誼輕衰哉父與母何
忍棄其子財帛重丘山骨肉輕敝屣荏苒向衰暮莫敖
鬼將餒生子棄路傍胡不念宗祀生女年十五爲作嫁

衣裳鼓樂相導送嫁與誰家郎上堂問舅姑入厨作羹
湯舉案復齊眉古有賢孟光云胡今不然贅婿稱東床
止抱衾與裯中饋靡所將雖復諧匹耦兒夫氣不揚妾
身已生子不知拜姑嫜更有未亡人撫孤不下堂忽有
髯如戟來窺舊時粧兒女呼阿翁親族舉賀觴倫理殆
滅絕夷俗真可傷恩男與贅婿舉國皆如狂願言一不

變醇俗臻義皇

右誠恩子贅婿

風人刺雀角大易戒終凶世無魯仲連排難欽古風薄
俗好相競蝸角爭雌雄無情恣羅列掉舌鼓克鋒不念
蚌蟪持傍有漁家翁銜胥羅網張市猾智計工喫食衆

皆飽贖緩又輸公相願各悔禍囊橐亦已空訟理未得
直不如歸課農靜觀萬物理強者必先終屈伸如蓬轉
天道猶彎弓勞攘復何益驅納網罟中安得世無訟園

扉草色濃

右誠好訟

古人亦有言一炮輕重殊喪元固勇士溝瀆祇匹夫強
者挾眦怨瞋目語大呼因之陷刑辟駢首伏法誅戮者
受侵辱憤惋氣不舒不惜赴溝壑魂魄飛幽都嗟彼仇
家子不諳官刑書憾言欲相抵載鬼遂一車願告噍噍
氓輕生一何愚隸籍枉死城招魂北山隅當念親生我
身體與髮膚此生雖貧賤慎保七尺軀

右誠輕生亡命

七言古詩

懷歸操

宋劉敞

蟋蟀在堂歲云除今我不樂鬱以紆豈不懷歸畏簡書
蟋蟀在堂歲云逝今我不樂濡以滯豈不懷歸友朋畏

劉宗海為余作清江春雨碧嶂秋嵐二圖賦此贈之
明劉永之邑人

劉君早年善山水得意往往圖樵漁西昌城西一相見
忽然贈我雙畫圖圖中似是清江曲春雨蒼茫汀樹綠
烟中彷彿辨飛帆水際依稀見茅屋漁郎繫船江石上
一夜磯頭水新長孤村日暮烟火微渡口歸人暝猶往

碧嶂層巒翠轉奇嵐光秀色含朝暉風林落葉洒青壁
雲壑流泉生翠微我昔結廬此山裏每愛秋嵐淨如洗
經年奔走厭風塵偶看新圖心獨喜憑君添我小綸巾
明當歸掃山中雲它日君來一相訪松根爲子開柴門
宿慧力寺有感
劉永之

城南慧力古靈刹名勝傳聞冠江右四方縉流每萃止
大殿高臺日殿阜琅函貝葉歲一出父老奔馳嬾女走
千人奉持萬人遮金支翠幢相先後余時少年事遨嬉
酒徒博侶爭相隨升廊歷廡覽未畢日暮花陰連騎歸
一時繁盛今何有徒見石橋橫廢沼百年喬木盡剪伐
萬石金鍾卧荒艸龍象無依鬼神泣過者見之生嘆息
天道周旋地氣復乃有真僧爲時出蒲公碩德衆所異
往者說法城東寺郡公延請縣公謁卓錫茲山理荒翳
披榛剔莽立梁棟頗有軒窗延爽氣我來正值六月莫
蓮莖出水瓠葉肥脫巾解帶坐竹榻涼風蕭蕭吹葛衣
端州石硯光炤席蝦蟇吐水光相射要余作字懸素壁
春蚓秋蛇恣盤屈午陰當戶闌竹雞石魚聲動方齋時
水桃王李列籩豆黃梁赤糝供初炊感此意氣良不薄
手拂吳箋動新作靈澈昔與韋丹期大顛亦赴韓公約
人生交情貴相得何必儒墨紛嘲詭故鄉風物總堪奇

歎我遠遊胡不歸兒童不解念鄉井白髮慈親懷舊扉
與子相期在秋杪一舸中流美飛鳥烟中鶴唳識松關
落帆寺下滄江曉

金鳳洲謠

敖英邑人

吁嗟洲兮春水長春草短九苞何處尋文章百鳥啾啾
天不管我有漁舟大如斗洲邊夜宿蛟龍吼鳳兮不學
楚狂歌長嘯梧桐山月小幾時閭闔五雲開金鳳飛從
天上來

石龍城謠

敖英

吁嗟城兮堞猶存龍已去敗鱗殘甲散不收靈湫黑暎

城頭樹我拄鐵杖閒逍遙江聲欲撼清風橋人言石龍
靈可招誰將燕子江中燒石龍夜半隔城語他日還來
作霖雨

暮春遊慧力寺

清江縣梁士濟南海人

清江城南有慧力寺相傳石龍為怪有禪
說咒降伏之靈擊其石此地始獲安堵寺旁一
橋名伏馬昔當兵火之際士民逃難於寺教至
橋焉輒伏不得進因以名橋余待罪是邦五載
矣二申春暮諸廣文先生始攜余修禊
其中相與讀前人碑碣因慨然

古寺城南隔莽蒼相傳慧力顯梵玉水之恠兮則象罔
野之恠兮曰徬徨慧刀割斷無纏糾江水安瀾在一方
我來政值春初歇百卉千花尚競發塔碧綠似當年

塔上遊人幾滅波伏馬橋邊景
波光搖漾照今人
應知法界隨流水唯餘寶筏渡玄津山川不入陰陽患
洗淨兵甲長清晏問道猶慙七聖迷具茨何曾燒絕棧
前本後水一長流古人今人同遞郵但看牧事無煩擾
萬法同歸這裏收

五勸歌

秦鏞

嗟我四民農最苦况復沙洲兼瘠土去年倒瀉三江水
今年滿浸百日雨相看田裏稻葉黃家家惟有塵生釜
那堪差吏夜驚呼舊逋新餉急如火蒸湯麥飯猶不飽
豈有金錢應官府老父呼兒行慎勿徒悲傷春有茶芽

綠冬有柑子黃婦人典衣男鬻產入城且納官錢糧方
今 天子募戰士飽食日日眠沙塲我輩猶處太平日
敢逋國課愁 君王但願官長念我苦世世子孫終不

忘

右勸勤
國課

一聲雷響水便滿三夜月明又苦旱既水復旱苦多般
何不躊躕操勝筭我有官塘數尺深急時莫阻東西鄰
春雨一注水平口秋日時聞桔槔頻勿將水利併豪右
田禾稿成將誰救一朝乾沒爲腴田瘠人肥已任爭鬪
云胡不念禾與稻貪夫漫道蓄魚好蓄魚僅充一箸甘
蓄水可供一歲飽勸君勿蓄塘中魚蓄魚相爭水利無

但得官塘處處滿不須更繪流離圖

右勸公水利

貧者流離非得已富者何為復行賈為官尚欲辭斗粟
作客何心棄鄉土辭家轉盼七八年出門展轉數千里
不惜家園久離別那堪道途多梗阻陸行既怕豺虎儔
水深又恐蛟龍得一朝疾病兼死亡十萬腰纏亦何益
吁嗟乎上有高堂白髮垂下有閨中少婦朱顏開稚子
成行未識面勸君束裝歸去來

右勸務本業

昨夜東鄰驚放火今夕西鄰又盜牛只緣鄰里不相救
使我良民夜夜愁保甲之法自昔賢十家十甲相鈎連
一家有警百家救藩籬不許外人穿弔死扶傷要和睦
同宗一姓尤宜篤莫教奸宄竄其中非我族類便驅逐
戌夜時聞柝與鑼防身亦帶弓與箭不煩官長相督責
保爾身家為最便此法不愁盜與窩夜戶不閉樂如何
今日中原漸多事勸君聽我保甲歌

右勸行保甲

二月已空甌裡粟四月穀盡家家哭一朝穀賤不值錢
賣與商人舟百斛貧民智短宜苦饑不將前後總尋思
何不藏將半間稻留到明年穀盡時積穀不論升與斗
聚囤成倉供百口但須社長廉且公此法行之可長久
豐年預積饑年穀饑年穀比豐年玉年年豐稔穀倍增
推陳易新利相續更有迂談亦要言販豎蠅頭利甚纖

水火不侵兼却盜民間宜用五銖錢

右勅立社舍

五言律詩

排律附

驪書

宋劉敞

藏書不滿百幽蠹休時除上有朝廷副多從秦漢餘煙

山迷禹穴雲海隔崑墟持此貽清白歸為林下居

又

劉敞

幽事隨時有移書矚日華囊開魚蠹字眼暈石榴花志
病多三事勞心愧五車賜書仍有品前輩羨吾家

送臨江軍監酒李大博

梅堯臣

三江卑濕地北客宦遊稀霧氣多成雨雲蒸易損衣白
醪燒甕美黃雀下田肥未辨殊方語山歌半是非

桂山堂

周必大

京國薪如桂家山桂蒲林葉留經歲碧花雨盛秋金作
楫商舟穩爲梁漢殿深幽貞宜自闕莫待斧斤尋

寒食後夜坐

元范 棹

已新寒食火更近暮天鐘花片隨風滅柴扉帶月重以
閒酬宦達將病抵心慵本不從耕稼臨江愧老農

宿天寧寺

江西提學副使明夏寅 華亭人

秋暑倦行日聊歌對碧山我觀名利好僧入退居間字
剝碑年號香齋佛面顏晨隨紫風動鐘磬隔人間

宿慧方寺

嚴 嵩 分宜人

羽檄連宵至徵兵列郡聞乾坤遂戎馬雲日息炎氛食
祿寧辭難臨危好策勲燈殘西閣夜孤枕百憂紛

澄心亭

臨江府知府 管大勲 郵縣人

高齋臨碧澗清境滌煩襟萬象原無障纖塵淨不侵月
明空鑑色波靜見蓮心自入淮陽卧常懷川上吟

雷祠齋禱

符 錫 新喻人

春雷何震迅夏雨竟稀微農望爾方切齋心誰得遠郊
源回甲拆滂沛掃炎晞預十豐年兆歌聲達 帝畿

激龍得雨復志

符 錫

神龍何遠在得罔念群黎甘澍一行蒲豐登四望齊有

祠皆境內無感不蒙西曷自勞心輒心堅弩發機

宿石城菴

熊化 邑人

夜半踈鍾斷鳴泉度石關雲霞深多斗烟火隔人間夢
入松風穩神隨蘿月閒靜林驚落葉知是鶴飛還

送盧本潛明府入覲

熊化

雙履瞻天近孤琴別路悠泰符惟極北姑射白城頭

梧竹燕臺曉芷蘅楚岷秋但留瀟浦月千載映清流

暮春遊慧力寺

清江縣知縣 梁士濟 南海人

春芳猶在目袂飲及茲辰鳥語簧爲韻花飛錦作茵橋
餘伏馬跡石辨斷龍鱗慧力應長任重來獲問津

七言律詩

讀書臺

此詩疑後人所作舊志刻歐陽董姑仍之

唐歐陽董

坐上沿江碧玉流讀書人任幾春秋塵埃青竹陰連棟

風雨黃茅冷蓋頭一榻蠹魚今稿成千年別鶴舊經繇

吾方曉夜遙山夢世事從今只釣舟

崇真觀

宋朱熹

磴道千尋風蒲林洞門無鎖下秋陰紫臺鳳去天關遠

丹井龍歸地軸深野老尋真渾有意道人謝客亦何心

一樽底處酬佳節俯仰山林慨古今

崇真宮

陶淵

萬仞天然閣皂形陰陽不似衆山青一區海上神仙宅
數曲人間水墨屏華表鶴歸春谷響玉京龍起夜潭清
可憐張葛無人繼三級高壇拂杳冥

桂山堂

楊萬里

良齋曳袖出明光歸卧江臯一草堂種滿山中渾是桂
恠來月窟更無香九秋金粟供朝餽三徑黃花并夕糧
屨上星辰冠上豸一時脫却濯滄浪

寄柱清碧

元范 棹

徵君家住武夷山白鶴玄猿夜扣關船泛清冷凡九曲
屋分丹碧只三間世人往往知名姓仙子時時定品班

孔壁秦灰天未喪幾多魚豕待重刪

同彭聲之宿蕙樓齋

明劉永之

世人

故人共宿幽齋小菡竹花開映紫蒲采閣暝傳浮水箭
金城朝建相風烏朱絲鏤管書苔紙銀篋秋衾夢橘湖
明日棹船金水去煩君臨別贈文無

寄虞心山居隱仙寺

劉永之

山房借得新泥就晏食隨僧拾澗菲隣甕酒香朝可貰
佛幢燈火夜堪依沙田紫蔗家家熟野逕丹楓處處飛
待約彭鏞去相覓哦詩寫遍竹間扉

寄梁孟敬

劉永之

菰山之陽隱者宅日午隔溪聞讀書時有門生陳入簋
昨從家僕致雙魚石門雨過篔簹濕葦戶秋深薜荔踈
已約莫春攜稚子咏歸沂上曳輕裾

到郡不入城寄彭聲之雪印大虛 劉永之

鳳洲秋水石漸漸江色渾如博士衫草屋結來人假宿
檄文書就手親裁詩久愛中丞廳制酒難禁吏部饒
相見立談還卽別寸心搖曳似風絲
慧力到城纔五里還聞近日在山多長廊洗鉢同僧飯
小閣焚香共客哦春後松枝高似蠹秋來芋葉大如荷
獨傷驄馬同遊處澗石題名長薜蘿

暮峰秋淨翠分岐高閣搥鐘午諷時響屨貫魚來窈窕
懸幢騫鳳動葦蕤象筵初敞妨迎客僧籍新抄廢咏詩
我爲別懷詩一寫舳舻夜發倍相思

送李大使還清江鎮

黎恬息人

三載司征報政成還官深喜拜恩榮金臺行色逢秋暮
玉筇歸心共月明望入長安孤雁遠到來古鎮片帆輕
煩君寄語周通府渭樹江雲總是情

觀宋徽宗藏蘇長公書金剛經碑

夏寅華亭人

東坡晚歲閱西方宦海隕然髣髴蒼已銳鋒機輸玉帶
又疲精力寫金剛殘碑認脚真元祐秘寶傷心是靖康

得與山陰同逸駕也應微意托空王

午飯玉虛觀

夏寅

方渠曲榭小瀛洲意愜偏安一餉休六月水風渾却暑
四時山雨盡迷秋虬龍箇箇蒼松老羊虎磷磷白石稠
五舍疾行天又熱解煩湏是服神樓

香積寺

解音水縉音水

卓錫靈源歲月深至今此處作叢林老僧自有降龍鉢
長者能無布地金風挾鐘聲過渡口月移樓影到江心
分明宛若圓通境時有頻伽唱好音

閣皂山

江西按察顧應祥長興人

破雲山幾萬重笑呼葛子共談空着衣亭在雲霄外
洗藥池存草莽中不見九龍歸古洞欲騎雙鯉駕長風
醉餘太極峯頭坐遙指蓬萊海日紅

禮斗壇

孫偉邑人

莫訝仙翁躡蹠危斗邊雲壑是真棲一枝樹影容身得
往事風波問是誰灑氣迥臨高鳥背澗香新斲茯苓脂
道人相坐靈巖石話到前峯月上時

遊慧力寺

李應祺

平生慣覓好山遊此寺臨江水石幽翠巖丹林環福地
芙蓉金菊逗深秋舍人愛客延清賞學士題詩在畫樓

蒲路松風欲歸去老僧仍乞姓名留

又

王 臣 廬陵人

非圖非夢似曾遊步入招提景晁幽塵世忽忘千古慮
石林常占四時秋天空樹色遙屯野夜迥江聲半在樓
今日已公茅屋下茶瓜還許杜陵留

又

臨江府 沈 愷 華亭人 知府

歲晏乘閒憶遠遊松齋竹院本清幽讀書臺在人何處
伏馬橋荒事已秋吊古不須頻問主憑虛惟有一登樓
浮生却悟總蘭若莫向名山卜去留

寶金寺華光閣 今為玉皇閣

沈 愷

敦倫此外無餘德除却人倫若箇明忠孝一源尋道脈
誠明互用覓心精能馨黍稷惟明德剩有梅花不世情
司訓當年真祭酒少卿今已待調羹

觀瀾亭

循軍 御史 陳 述 蘇州人

泮宮南畔大江濶亭瞰清流體道深俛仰孟軻觀海歎
還推魯點浴沂心天光雲影同朝暮山色溪聲自古今
欲識此中無息意諸生須用惜分陰

明經書院

劉 松 新喻人

秀水靈巖護紫烟藏經丹閣泮宮前木天瑤映燃藜夜
玉筍牙籤振鐸年鄒魯斯文存正學古今吾道有諸賢

偶從絃誦瞻光岳奎壁星臨斗極邊

府譙樓

臨江府王佐臨臯

危樓落就冠湖西畫棟飛甍拂彩霞四面山河開壯麗
二儀清濁判高低龔黃今古佳名並賓主東南衆美齊
江漢風流如昨日可能授簡不留題

郡齋詠雪

臨江府沈 蔡平湖

風俗占冬甲子陰臘前飛雪到而今本來天意農宜麥
似妬匏翁白滿簪蔀屋屢屢炊甑饘誰家狐貉酒杯深
郡齋何許堪勅敵賴有梅花鐵石心

登一覽臺

章山富壽岡東吐一峯形最圓秀土名金星堆宋時作一覽臺其上今廢蓋郡

邑之鎮山也

秦鏞

葦基荒落今非昔古樹婆娑尚有靈地勢融流稱水國
天然重鎮得金星試占雲氣當爲瑞却望炊煙幾處青
最喜章山春雨後流泉處處入農經

七言排律

答清江錢大尹問山中景

錢問詩云傳聞仙境果何如山勢言同宅一區

寄語能吟陳道判可憑詩句說來無

陳

形如閣皂對清江吳漢神仙古道場玉像靈多民受賜
天書歲久墨猶香絳霞密鎖靈仙館碧霧輕籠正一堂
蒼蘚爛斑雙鯉石寒泉澄湛九龍塘着衣臺上三冬暖

鳴水亭前六月涼
搗藥鳥聲喧
夜榻昇天馬跡印
西岡
葛憇源深生異草
凌雲峰峻染翳光
丹井雖存人杳漠
松巢空見鶴飛翔
屏粧水墨誇陶弼
門斷塵埃憶孟昌
風來松檜笙簫地
春入園林錦繡鄉
箇中自少紅塵到
閒裏惟知白晝長
景物敢吟成實錄
願憑賢宰一稱揚

五言絕句

送呂嘉問赴臨江守

宋王安石

黃雀有頭顱
長行萬里餘
想因君出守
暫得免苞苴

寄天寧寺僧雪印

明劉永之

高齋讀書罷
松月影層層
遙憶寺門閉
紗籠上佛燈

迴龍寺

黃之俊

江濱數仞閣
擁袖住高頭
好着空空眼
西來一派流

七言絕句

春草

宋劉敞

春草綿綿不可名
井邊原上亂抽榮
似嫌車馬繁華處

城門便不生

絕句

劉攽

青苔滿地初晴後綠樹無人晝夢餘惟有南風舊相識
徑開門戶又吹書

蓮花寺

蘇軾

竹木交陰一徑通入門錦繡盡香風湏知極樂無憂處
便是蓮花境界中

臨江買舟

朱熹

征驂聊駐近江樓南市津頭問買舟共說明朝乘雪水
長歌一日到洪州

有在錄川

朝晴遣我看薊林頃刻浮雲萬里陰拂袖凌風三十里
依然寒日照長吟

遊崇真觀

朱熹

疊疊層巒鎖闕宮我來特地訪靈蹤葛仙去後無丹竈
弟子今成白髮翁

又

朱熹

一派泠泠泉水下水半空漠漠嶺頭雲祖師成道冲天去
只有無窮受籙人

答單應之問閤皂

朱熹

清江集卷之八
藝文
回首名山我舊遊。曾將風袂挹浮丘。如今不及臺邊水。
長向山前山後流。

送單應之往閤皂

朱熹

杖頭挑月入烟蘿。城郭塵埃柰爾何。若到名山高着眼。
洞天深處異人多。

過慧力寺松風亭

康伯可

江上濃陰曉未開。瘦筇支我上蒼苔。春寒昨日去已盡。
今日又從何處來。

隱仙寺

白玉蟾

寂寂秋烟鎖碧灣。往年此處有禪關。清幽不異菩提境。

好覓仙方九轉丹

寄彭聲之

明劉永之

邑人

素紉便面小行書。寂愛風流半醉餘。芙蓉楊柳娟娟月。
何處相逢解玉魚。

題北澗精舍

劉永之

石田流水繞生苔。翠竹蒼松傍舍栽。恰似輞川庄裏住。
葦門斜對芰荷開。

題老嫗騎牛吹笛圖

洪武初召爲女史後請老弗許因題此於所繪扇

覽之遂放歸

范氏

孫女

貴妃賜死馬嵬坡。出塞昭君怨更多。曾似阿婆牛背穩。

笛中吹出太平歌

赤城觀

解縉 吉水人

會到松湖訪赤城山人道士遠相迎一尊玄酒十年醉
此日經過愧獨醒

遊慧力寺

解縉

慧力寺前春水流菲菲芳草滿汀洲十年不到臨江郡
依舊青松接畫樓

又

臨江府知府 沈縉 平湖人

雲伴長松鶴伴苔晚風輕袂寺門開巖花野鳥春無限
消得臨江太守來

又

清江縣知縣 強滿 臨江府人

一徑青松半綠苔夕陽樽酒爲君開白雲飛過湖東去
散作松巖夜雨來

宿天寧寺

張弼 華亭人

堂北幽軒面古臺松聲聒夢雨聲來耳根塵土三千丈
縱有清風洗未開

鎮橋寺

臨江府知府 李槃 澧州人

日上松窓僧起遲水容山色兩淒淒王孫莫歎春衣薄
閒倚寒松看碧溪

崇真觀

張時

喬木陰陰路欲迷
數聲啼鴉野橋西
道人穩閉柴門卧
花落花開總不知

玉女峰

孫洽 邑人

玉女來看玉洞春
玉人勾引度雲根
繇來大道無分別
不用含羞入洞門

菟花原

孫洽

千樹杳開不謝花
玉樓金殿鎖烟霞
人間甲子君休問
蓬海如今漸見沙

蕭灘驛

臨江府知府 徐閔 武進人

隔江花柳照沙明
沙上勞勞客子行
欲為流年挽春色

不知春色更無情

閣山雜咏

徐穎 海鹽人

樊蹊折折入冰壺
雪壁仙人字有無
解道紅泉如可渡
此生期作掃花奴

赤烏碑件事難憑
碧瓦年深裂作冰
自是神仙烟火外
不緣風雪斷香燈

冰天壓屋四無聞
江樹連峯總化雲
但得瓊漿換毛骨
直將人世盡書焚

羽衣謾謾孰如烟
仙籙無人得秘傳
今日雲孫化巫祝
當年菌閣變葑田

已上崇眞宮

流珠久秘杳難逢石室纍纍尚有蹤明月在天人在雪

三更私自禮東峯

右藏丹石室仙翁丹成藏之東峯間記云以埃廣修陰德者

側聞咳唾成珠易驚見梅花喫石難香處欲尋尋不得

一簑風雪過橋寒

右梅花橋石上多梅花蹟云是仙翁喫水而成每當春霽間聞香氣

玉篆中分斧劈痕人言雷火掣天門石蓮亦解風開落

十丈今無一瓣存

右巍石在駝峯之陽識云雷驚巍石香火歇嘉靖初果為雷火所擊

衣裾忽滅東峯頂鷄犬難從半睡中弟子無聞丹竈冷

空留瀑布響天風

右着衣臺仙翁於赤鳥二年二月中夜登此臺振衣而昇弟子皆不及從

飛禽竊食語通靈峰頂猶存藥臼形凍手摩挲無所得

長生惟有石苔青

右搗藥臼相傳仙翁搗藥餘為禽鳥所食至今月夜常聞飛鳴自云藥

露盤直瀉上池水玉柱高搖碧落烟鴈宕匡廬甲天下

無人來看第三泉

右瀑布泉自東峯右折逕鳴水亭立畔引路松大十圍者凡五皆唐宋

臨江八景

相傳臨江八景前輩有作此詩者聊詠以志其概

秦鏞

城南古寺日深幽伏馬橋頭悲昔游只有數株松尚在

根盤石路幾千秋

右慧刹青松

驚足誰云砥柱堅拍浮江上任踰躡細看石背渾無字

恐有當年洪範篇

右龜石春濤

中洲插竹又編籬路似桃源境最奇我欲卜居偕鳳隱

楚狂休道德衰時

右金鳳朝陽

沙上勞勞使客過路傍楊柳折枝多隔江呼起漁翁問

畫日生涯一釣簑

右瀟江漁樂

江干寂歷水迴湍，鴈落平洲影欲單。蘆葦蕭蕭無啄粒，

也應無意拾盤飧。

右蘆汀落鴈

參差樹影望中連，暝色溪流併作煙。莫道河形剛半月，

清光如許十分圓。

右蛟溪夜月古志云清江如太陰半月之形

何處千艘集，并煙屹然雄鎮。想當年只今細數歸帆少，

商緡應捐百萬錢。

右樟鎮歸帆

閣峰縹緲入雲端，積雪猶封禮斗壇。山遠地偏游不得，

幾回駐馬隔江看。

右閣峯晴雪

宋劉氏墨莊記

秘閣修撰朱熹婺源人

乾道四年秋熹之友劉清之子澄罷官吳越相過於

潭溪之上，畱語數日相樂也。一旦子澄拱而立起，且

言曰：清之之五世祖磨勘工部府君仕太宗朝佐邦

計者十餘年，既歿而家無餘貲，獨有圖書數千卷。夫

人陳氏指以語諸子曰：此乃父所謂墨莊也。海陵胡

公先生聞而賢之，爲記其事。其後諸子及孫比三世

果皆以文章器業爲時聞人，中更變亂書散不守，清

之先君子獨深念焉，節食縮衣，悉力營聚，至紹興壬

申歲而所謂數千卷者始復其舊。故尚書郎徐公兢
吳公說皆爲大書墨莊二字以題其藏書之扁。不幸
先人棄諸孤清之兄弟保藏增益僅不失墜。以至於
今。然清之竊惟府君夫人與先君子之本意。豈不曰
耕道而得道。仁在夫熟之而已乎。而不知者意其所
謂。或出於青紫車馬之間。清之不肖誠竊病焉。願得
一言以發明先世之本意。於以垂示子孫。丕顯義方
之訓。甚大惠也。熹聞其說。則竊自計曰。子澄之意。誠
美然。劉氏自國初爲名家。所以通書記事者。盡儒先
長者矧。今子澄所稱。又其開業傳家之所自於體爲

尤重。願熹何人乃敢以其無能之辭。度越衆賢上紀
之事。於是辭謝不敢當。而子澄請之不置。旣去五六
年。書疏往來以十數。未嘗不以此爲言也。熹惟朋友
之義。有不可得而終辭者。乃紬繹子澄之本語。與熹
不可當之意。而叙次之。如此嗚呼。非祖考之賢。孰能
以詩書禮樂之積。厚其子孫。非子孫之賢。孰能以仁
義道德之實。光其祖考。自今以來。有過劉氏門而問
墨莊之所以名者。於此乎考之。則知其土之所出。廬
之所入者。在此而不在彼矣。蓋磨勘公五子皆有賢
名。中子主客郎中實生集賢舍人兄弟。皆以文學大

顯於時而名後世第四子秘書監資簡嚴識大體有傳于英宗實錄子澄之先君子卽其曾孫也諱滁字全因官至朝奉士旣不遭無所見於施設今獨其承家燾後之意於此尚可識也生二子長曰靖之子和其季則子澄皆孝友廉靜博學有文而子澄與熹游尤篤志於義理之學所謂明道而熟仁者將於是乎在九年二月丙戌新安朱熹記

薌林銘

序

孫覲

兩浙轉運使右朝請大夫秘閣脩撰向子諲博極群書尚友千載治一室手植衆香草環之而讀離騷經其中自號薌林居士建炎末崎嶇兵亂轉徙江漢間年四十餘上書謝事徘徊玉笥之下淦水之湄登高擇勝築室居焉鑿蘭丸吮采芝三秀千葩萬卉羅生堂戶蓋真得所謂薌林者則欣然笑曰孫興公賦遂初韓吏部賦復志皆謂此耶紹興五年詔起爲江東轉運使明年徙兩浙召見奏事勞賜甚寵因從容自

言終老薊林之意上嘉嘆良久親書薊林三大字賜之龍文龜畫妙絕一時群公在廷驚頽動色於虜盛哉未曾有也子誣後上之賜移書屬孫覲爲銘銘曰肝膽一如薰蕕殊臭臭識妄聞六鑿交闔螂蛆甘帶蜚蜋轉圜嗜茄腊鼠逐吳則然一國之香人所服媚君子好脩紉之爲佩手援紫藟掉芙蓉旗蕙肴蘭籍飲芳食菲芳菲滿堂薦馨在德葵傾草靡偃風就日帝闔九闈孰播厥芬神交夢蘭基于獻芹扁榜巽巽來從天上璧月流輝浩塞帷帳天命不諛惟德典諸錫慶毓瑞克公之間

宋朱文公祠堂記

曾請卽直寶文閣江西四路轉運判官兼知隆興府翁甫

中庸曰苟不至德至道不凝焉夫道原於天而受於人自羲皇開闢人文以至於我夫子皆盛德之至而斯道以凝者也所謂爲天地立心爲生民立極爲去聖繼絕學爲萬世開太平者實於是乎賴顏曾思與接續正統孟氏以後則其傳泯矣末學爭長異端滋熾千四百年間冥冥如夜道之幸存者人心秉彜不可泯耳安有至德爲之宗至以覺夫人之天也哉天開我宋文明之運儷古極盛而周子程子出焉先知

先覺開我後人孟氏之傳久絕而復續矣吾道之南
篤生紫陽朱子不闡漁雒之教羽翼聖經息距邪說
蓋極其鑽仰之勞磋磨之益而後得之真我宋之夫
子而大有功于漁雒者也夫惟有至德而至道以凝
此周程朱子所以無愧于孔孟之傳也歟甫特指西
江慨念紹興甲寅文公被召歸自長沙買舟臨江賦
詩過桂山謝公家德星會聚邦人繪爲圖以相誇詡
今甲子一周矣臨江別乘太博黃君築文公之祠于
廡之左廡古驛所樓圮不存君爲重屋復揭近江之
扁以還舊觀祠成君與太守寺簿魏君率僚屬及諸
生脩舍業之禮以勉齋黃先生嘗宰淦邑而至
公亦師事文公邦之賢有德者侑食于祠誰不謂宜
竊想一時人物之盛衣冠儼如珮屐劍如瑤席芳王
瑱蕙蒸芳蘭籍揭虔妥靈多士駿奔有榮擢焉邦人
亦必繪爲圖以誇盛事矣君以書來諭予爲記余謂
文公之道大明於今祠宇幾徧天下况清江昔文公
屢過而且止焉獨無祠以致尊仰意可謂闕典事妨
於今歲有嘗祀其所以興起人心使知道在此而不
在彼者夫豈小補是不可以不書祠之費皆君捐俸
以給非取之公也添倅舊無廡多因舊驛而居史君

既新築館於其旁君遂葺而增廣之以庀司存凡百
二十楹入窓玲瓏衆植芳潔至于器用纖悉亦備其
不私於己如此後人可以便安矣所賴以相與扶植
斯文爲心祠有未備者備之教有未弘者弘之德有
所未至道有所未凝至之凝之是又君今日建祠立
像之意不無望于後之君子君名洪字可大建之浦
城人學文公之學者也寶祐二年歲在甲寅八月初
吉

宋慧力寺輪藏記

龍圖閣王 雱 臨川
直學士

臨江慧力禪院無藏經僧善周任持之明年始募衆
得錢寫經作轉輪藏貯之藏前設佛菩薩龍神之相
餘百軀刻雕金碧之麗觀者駭矚而不盡也凡更八
年週七歲而當熙寧四年二月十五日工告畢嗚呼
可謂勤矣予嘗以謂佛之爲法無乎不在而天下有
不聞佛法之處蓋衆生之法有焉而不能自悟必有
推而廣之辨而明之者然後法行焉然則彼無法之
處非無法也無行法之人也以衆生之迷沉愛海櫻

痲疾不知幾千萬億劫漂淪之痛毒莫知所濟息而
 是經也實爲之船舫醫藥假令有人拯溝瀆之溺療
 瘡痒之疹而非報之求則是必以爲善人長者若周
 捐鬚髮絕親好垢衣菜食苦其形體宜其無求於世
 矣而獨能憂衆生之患方建是藏以爲愛海之船舫
 痲疾之醫藥則其於施也豈徒善人長者之謂哉然
 則佛作於前而行之於後者周乃其一也周以禪自
 名其於辨而明之必有功矣而予未之親聞若夫推
 而廣之則作轉輪藏其效也予故樂爲之記

又重脩慧力寺記

先祿大夫禮部尚書兼侍讀 章

穎新喻人

一闕之市初而蕭然中而駁然十室之邑一人之身
 壯而所見與少殊昔之所遇與今異非天地之變化
 而鬼神之推移也慧力之爲寺久矣穎始過之住山
 者顯良也有能聲是時城市富貴民俗阜藩香火鐘
 鼓晝夜不絕行相踵於廡坐相接於席自是以來見
 其盛猶一日也間者生徒稀利施少以至之疾病或
 非其人不過半歲一二年又復故繇此言之物之盛
 衰謂之不繫乎人可乎寺居城闔之外松竹森茂東

流溪水盛夏不知其暑氣唐歐陽處士廬也自處士之廬而爲寺且將久於處士之廬其理何如也今佺山宗宥婺源人郡侯推擇而致之以辛酉春來凡五年而棟宇將隳圯者材木之將朽蠹者皆易而新之先是法平造藏殿而宥繼之乃大就緒今也說法之堂與夫方丈之室悉踰其舊而鳴鐘之樓羅漢之閣凡二十年支傾不暇者一旦丹雘煥然觀者駭目肇後於甲子之冬告成於乙丑之春費錢僅二百萬施錢之最多者郡人譚興宗羅漢閣今轉而西與藏殿相對則臨川王謙獨出力爲之自穎始見至今凡三

百餘甲子矣四時有代謝萬物有榮悴而寺之新無窮則穎之說蓋盡矣宥生於士鄉知書而文極其所長殆不止於此而業以爲釋氏之語聲壘可聽而不可窮試其一二已出人意表使天下有司之事皆得如宥者以辦之果何患其不集哉但惜乎浮屠氏之歸者益衆焉天下之寺幾不足以容之旣容之美而非有聰明才智者長之則幾何不致而廢矣以數千百之人而得一聰明才智者爲之長豈不爲其徒之幸而一聰明才智之士有之惟艱而願用之於此哉淳熙之末如清助法平建佛殿穎已嘗記之矣老且

於江州志
藝文
然而又見夫寺之新未艾也故從宥之請而記之

宋閣皂山崇真宮記

古者名山大川在中國者皆雄尊浩蕩領於祠官天子巡狩望秩爲民祈福而已荆之衡嶽猶以爲遠自有熊氏已祠瀟霍况其他乎當是時上旣不求遠畧下亦安其嘗居雖有黃老之言何自而入空山窮谷稀竒絕特之觀誰實賴之及周穆王車轍馬迹馳驚於八荒中天之臺瑤池之宴寢傳於世秦皇漢武忻然慕之繇是有爲黃老之學者而爲方士之術負策抵掌順風而至美門安期之說與徐福少君之詐作

當是時上雖信之其徒未盛於下也及乎土宇日廣
生齒日衆遐方僻地列居郡縣王喬薊子訓左慈輩
又爭以神恠風動四方於此時也豈特人主嚮之所
謂四方徃徃從之矣從之者衆必有所聚旣不能安
處於廛市則搜竒擇勝梯崖架險設壇塲立室廬茹
芝煉丹於人跡不到之地一巖洞之幽一山谷之秀
殆將無所遁其形宮觀遂徧天下而尤勝於東南此
積習之勢然非今昔之理異也彼所謂清都帝居十
洲三島旣茫昧不可考而洞天福地載之傳記有可
言者距臨江軍四十里山曰閣皂蓋福地之第三十

三也自漢末張道陵葛玄丁令威皆有壇井故窠宇
記以爲神仙之館舊隸吉州新淦縣建臨江軍乃屬
清江形如閣色如皂以是得名初置靈仙館煨燼于
唐隋道士程信然掘地得玉石像尺餘覆以鐵鍾創
草堂居之先天元年孫道士爲臺殿因山名觀咸通
大火玉像僅存楊薦父子次第葺之江南李氏改名
玄都天禧庚申熙寧丙辰再焚再葺政和八年始賜
號崇真宮前對凌雲峰後倚東西兩山皆有壇其東
葛之其西張也水出宮後名葛懋源凡半里餘聲潺
潺行石澗大抵葛仙遺跡爲多故崇寧間封冲應真

一人誥命在焉北有令威觀基久矣入門卽御書閣十
一楹藏熙寧賜書百一十八幅章聖封泰山芝草二
本皇祐新樂圖一卷紹興宸翰十幅閣後設傳籙壇
蓋法許受籙者金陵之茅山廣信之龍虎以此爲三
徽宗朝給元始萬神銅印至今用之次曰金闕廖陽
殿曰昊天殿曰正一堂曰靖應堂其東曰祖師殿曰
藏殿最後玉像閣五間其崇五丈四尺雄傑冠於一
宮凡殿宇皆翼以脩廊道士數百人環居其外爭占
形勝治聽館總爲屋一千五百間江湖宮觀未有勝
於此者士大夫川浮陸走無不迂途而至乾道癸巳
予亦至焉讀廣明許元真咸平張賀熙寧雙漸楊申
元祐張商英諸碑雖隨事登載辭頗異而同如以鐵
鐘爲開皇舊物視其款識則咸通十三年所鑄也玉
像有三其一憑几而坐二人跣足並侍亦與此書不
合於是王首李漢卿王允成王次昂俱以宮記爲請
予諾之而未暇今管轄王自正知宮鄒時億副宮劉
惟允度師陳處和懇請益堅予謂易觀爲宮殆且百
年此而弗記闕孰甚焉乃爲會粹衆說詳考初終使
好事者知自昔者流凡三變而其教成此宮因地之
利歷千年而其制脩庶幾有考焉若夫叙勝槩述清

虛則有前孫倥李綱朱齊丘沈彬孟賓于徐鉉陶弼
之晉題近世道士張景先陳孟陽陳彥舉黃嘗吉之
詩集傳於山中此不復云

唐劍脩太平觀碑銘并序

朝散大夫中書
舍人武騎尉江文蔚

夫蒼旻異用潛默之度不踰文質代更精微之理無
改惟王則順推而廣之亦繇江漢本乎濫觴拱抱漸
乎毫末墜奎弗繼非考室之心樸斲未勤非梓材之
意道實弘被萬物可以觸類而言是以紛羊如雪遡
宵然之真風白雲在天窮沃若之遐武並駮執祖后
冠德孫謀玄風道業此之謂不朽南朝多士刑品既
清方焉道流楚材雲構靈囿並方於吳會間館錯峙
於楚都袁州新喻淨觀者東晉許旌陽令遜所舍之

地也迺稟命丹臺肇基喬嶽既植根華苑絕迹青丘
圭臬無炤景之功衡鏡非入神之用性與天道無得
而言濯纓成務之端解鞞違方之舉詳畧異任國史
存焉若乃高擅樞機俯同稱謂蓋道以微遠業以勤
興述德一謬旁行不返養名獨善者以心賞爲玄通
體竒載僞者比神姦於日用於是舍南郭之几足歷
名都役西州之智心服神仕菁華之義既遠烟霞之
望斯集夫東西南北無隔于殷人故負龜棄杖終焉
於故域觀其名區輿壤寒燠之所盛衰崇岡峻岳曠
舒之所朝夕茂林脩竹蘭亭繇其散懷左江右湖荆
臺所以忘返方城墨守於齊旅夢澤陸海於江都雖
流品不孤堤封具萬固亦重約諸鄙偃蹇數都神仙
所會可焉無論古而無苑歛駕斯遊彼都人士乃心
餘盛以爲箕墓旣表遊旅之迹未渝萬壑已遷主第
之形蓋闕乃儀星邃宇象帝殊庭維師母比肩靈
均珍枝鬱其茂秀蟾閣竦以叅差葦茹攸去風塵自
遠豈徒朱鳥或開方窺承華之殿靈槎可渡纔指雲
漢之津及京雒中微諸侯逐競神仙所處荊棘生焉
有吳維新肇同造物而昧旦之政青鳥不遑貨殖之
家瞻鳥迷復遂使灼矣銀黃翦焉蓬華覆篲非擬捕

影淹晉國家紹帝唐之鴻風系宗社之絕業在玉衡
之政納龜宇之疇百揆有倫墜典成振是以駸輅周
冕禮縵王圖祀夏配天功昭帝宇瑤山緝熙于重耀
麟趾

若其正位凝命振人育德柴車無
不教之士嘉石無可耻之疇裸壤惕其夏陰胡貉曝
其冬愛通驛四荒烽燧之途寂莫屬城萬里華實之
野陰煙周鳥漢麟宛駒越雉左右坰牧朝夕視聽陳
侯習其楛矢漢輦恧其駟牙禎符之效既熙華喬之
情允洽方將覆雲霓於方夏返鑾馭於伊瀍乃徼福
真源宅心靈迹此觀元絕於廢而有繼於興愛存於
人而樹伐於代執事靡盬實啓皇唐命考舊基同夫
經始懋園斷梓陶渚標梅西海白丹南山青腰高陵
啓其爽塏陰谷獻其幽邃規矩林薄繩墨煙霞陟遠
成高因深測秘而瑤光而鑿牖度雲錦而飛薨垂瑞
綵而成風奔星去而遺景玄儀旣穆真侶攸宜朱桂
充階荃蘼竟水粵以貞元六年觀成賜命太平之觀
將使珠臯或駐脫屣於冰嬉姑射或遊爛鞭於龍御
士有長往之節物觀大道之行蓋所謂維新舊邦永
啓厥後者也臣仰奉宸謨式揚斯義庶乎燕昭南牧
驗蓬闕之無更令威東來悟城闔之可恃功塊北於

銘鐘文鏗鏘於盈耳播龍篆於三楚垂國芳於萬祀
其辭曰

大道伊融萬代資始有開必廸在積斯峙處樸見昭
被文則史象物爰分靈長有寄昔在晉氏有命維清
玄風光表素履充庭隨以員殖和此方凝於昭若士
祥發慶膺維甫及申公侯必復服爵帝廷飛祥景胄
考制道區樹風玄圃如彼靈朔歸形列宿維厥士女
欽風靡形尤神秘宇咸秩丹楹珠池罄曜瓊廡輪英
遊曦駐劄集婺留星方連有汗王塗或闕抽栢羅梁
燔烽舉燧煙駕遺塵丹庭馳衛造物雖隆菁華靡寄
天命濬哲下武惟唐因基有峻繇枿斯芳膏以玄靈
郁以芒房在上麟德為下金相惟皇惇典無幽不舉
矧乃瓜瓞肇惟教父建木千尋神臺九戶蘭砌重陰
丹塗載廡文哉有玼壯矣斯棘冰谷傳瓜元州運石
隱几辰居服膺泉塞惟王法象外觀中國

元先聖廟堂記

翰林學士兼國子祭酒虞集臨川人

臨江先聖廟學作於景定庚申故宋丞相江萬里爲之記實我世祖皇帝觀兵江南歸續大業建元中統之年也又有五年皇有江南臨江來歸城郭按堵絃歌俎豆儼然如故沐浴聖化斯文昭明又七十年於茲矣有司率循故嘗無所改作觀舊記所載草創僅立於兵戈搶攘之餘未有以彌斯郡之新盛者也大德丁酉故河東李章肅公偶以集賢直學士來守是邦尚文而禮士興學而愛民百廢脩舉赫然作新

命直學陳明之種松北山辨正疆理未及有爲而去
後至元庚辰前進士月忽難來爲郡經歷以學爲政
行立政脩未朞年召擢工部主事又不果至正辛巳
正議大夫教化的自巔移守精神折衝知無不爲下
車謁廟嘆其庫陋更張有作乃八月有事於先聖先
師禮成明日命教授張九疇學正李思誠畫撤其舊
取材于上流擇工於旁郡度地爲垣見侵於西隣老
子之宮者重墻以包并迫切於屋壁訛之故老驗諸
木樹以得李公經營之舊召其人而致對不敢自隱
於是按郡志黜僞券更正耕畔表而識之日親程督

未兩月而禮殿成會以父喪去又未及竟今經歷承
事卽王遷來以學較爲已任餽廩不足則命路學正
楊士弘貸私錢以足之而督其役室堂門廡至於垣
墻羽翼崇高有序有則偉然盛世名邦之表儀矣遷
字克善本國子諸生中書署爲民部郎稍進浙省掾
而爲此來也國家學制用先賢遺言援其俊秀教之
大學學成而散之四方欲以一道德而同風俗也克
善之興學其本於此乎於是知事余畊道炤磨林炯
教授楊祖欽爪仕弘來求文以記之其爲言也敬讓
而推美惟恐其長之善泯而不聞可以見克善之信

于友矣稽之郡志其士尚禮教而畏清議其民安居而樂業然則斯郡也教易成而民易使也吾聞之人爲學本諸父兄則易從是以古人有鄉先生之祠焉侍讀劉公明乎春秋之旨儀禮之餘博學洽聞時多君子莫或先焉易曰天在山中大畜君子多識前言往行以畜其德劉公以之尚書謝公脩良止之學蓋以爲郭氏之得於邵子程子者云易曰兼山艮君子以思不出其位謝公以之集政因二公之學而述所聞焉德者何也天之所以命乎人而人之所以爲人者也窒於氣習之固而不能有所通失於見聞之偏而不能有所及不考於先哲之言則不能以及其知不效於先覺之爲則不能以踐其至密察於幾微明辨於疑似積累以至乎泆洽擴充而至乎廣大此識言行以畜其德者其庶幾乎位者何也隨其所處而職分之當爲者也以言乎事君臣有其職矣以言乎事親子有其職矣以言乎事長幼有其職矣家人有內外疏戚之節交際有上下遠近之合則亦各有其事矣安其所止所以盡其分也聖人之所以爲聖人倫之至而已矣凡民之所以爲凡民不察乎日用彝倫之間而不知其職者也是以君子凜然職思其

憂以求盡其分焉夫焉有出位之妄乎三公遠矣余
不得而質焉尚試與同志者講之弁以爲記

元臨江路清江縣儒學買田記

清江縣儒學教諭趙浚明 宜州人

聖朝制誥路府州縣立學守令興舉風憲勉勵所以
崇教化育人材扶世道美風俗也臨江爲江右名郡
清江爲臨江劇邑學較雖設歲計甚微春秋之祭祀
僅供師生之廩稍不給宮墻頽圯莫克完聚至正戊
子冬前江東僉憲清徹公以元勲世賈宿德重望受
知聖眷來守於茲下車之初詢縣學知歲計缺狀乃
慨然歎曰聖天子以學較任守令縣學雖令職而守
實總其綱可不思以稱上意乎又曰清江鎮張王一

先生書院亦久廢不治而歲計充溢有餘以有餘補不足亦事體可行者繇是計路學搏節贏鈔得中統四百二十八定有奇謀以買兩處學田贍用而事屬憲府不敢自專適憲使買公糾治臨江清徹公卽以爲請買公素崇儒重道聞請欣然喜曰興舉學較實

在郡守實吾分憲者勉勵之事不成就之無以盡吾責亟牒於總憲而從其請以縣尹張悅遂承德廉介有守府掾鄧椿謹飭儒者俾收民田之願鬻者優其直使無虧於民覈其實使無虧於學事未就而清徹公薨而知事于沂將仕爲重繼成其終於是田入學

者爲畝百有六十租出於田者爲碩六十有四其直計以中統鈔爲定 有四書院之田數入與縣學等縣尹張悅遂承德又推廣其意捐俸脩葺蓋殿堂門廡煥然一新時浚明承乏縣學謀於衆曰清江學較之廢久矣今焉祀事之有奉教養之有備使得與二三子涵泳 淑人心覺後進以助政教之萬一者郡守清徹公興舉之德憲使買公勉勵之功郡守如清徹公憲使如買公可謂能不負聖天子之付託矣

盍鋪張盛美刻之堅珉使後來教學於此者飲泉知脉起甘棠之思益進而爲忠爲孝以答聖朝立學之

意而知事芊沂將仕成終之勤縣尹張悅遂承德府
掾鄧椿贊襄之力亦以著焉衆咸曰宜遂次本末以
爲之記清徹公西域人各木入刺字世明民賽典赤
開國元勳滅陽王之嫡孫四歷風憲兩膺牧守冰玉
其清終始一節其來臨江也愛民如子而民愛之如
父母薨之日路祭衢哭哀動城邑雖暴夫悍卒莫不
掩泣非其仁恩入人之深其能感人如是夫旣而人
思不忘乃相與祠之講堂之右以舒追慕之情憲使
買公甕古刺民名買來的字誠甫國朝右族勲德各
臣敷歷風憲蹇蹇其直有古人風按節西江清聞益

吏民仰如景星鳳皇緇斧所臨如陽春着地有物
皆生故并書之使後來吏民有所攷云

元思學齋記

翰林學士兼國子祭酒 虞集 臨川人

予始識臨江杜伯原甫於京師也見其博識多聞心
愛重之間從之有問焉沛乎其應之無窮也而其天
文地理律曆卜祝神仙浮屠之說徃徃得諸世界之
士至於因人情時物之變論議政治之術可指諸掌
時大臣有得其才薦用之者薦上未命而大臣者卒
事報聞原甫漠如一不介意方就客舍取詩書易春
秋悉去其傳注而繕書之慨然有直求聖賢之遺於
本書之意未幾去隱於武夷山中其友詹景仁氏力

資之益得肆志於所願學而予不及從之矣延祐庚申予居憂在臨川原甫使人來告曰我著書以究皇極經世之旨子其來共講焉且曰我以思學名齋居舊矣子爲我記之乃試誦所聞焉古之所謂學者無他學也心學而已耳心之本體蓋足以同天地之量而致用之功又足以繼成天地之不能者焉舍是弗學而外求焉則亦非聖賢之學矣然而其要也不出於仁義禮智之固有其見諸物雖極萬變亦未有出乎父子夫婦君臣長幼朋友之外者也故曰聖人者大倫之至而已聖人至而我未至故必學焉求其所以至則必思焉乃有爲之說者反欲絕去倫理措心如墻壁以待夫忽然之悟於一觸之覺不亦殆乎今求諸此而不得者乃欲從事於彼以庶幾萬一焉反以絕學自勝果爲善思者乎然而嘗聞之明睿所炤者非若考索之所至夫至於明睿則無所事乎思矣無思者幾乎聖人矣其始乃在於完養而涵泳焉時至而化有非在我者豈不盛哉

清江縣題名記

四川右
布政使 敷

英邑人

清江縣治在蕭水之上章山之陽石龍金鳳地靈攸
 存止堂主一流風不替是以數百年來風俗之淳厚
 文物之雅飭在楚越之間謂之樂土長民者可以卧
 浴之美嘉靖辛亥晉江朱公以名進士來縮黃綬公
 邃學有文才識明敏簡靜不擾希武循良一日顧題
 名無石作而嘆曰童往風來其責在我迺鳩錄前時
 尹者得若干人而丞簿尉附焉將買石刻之而屬子
 爲記予惟官署題名以敦交承之義而寓勸懲之意

其來尚矣然天下縣治多有欠此石者蓋牛刀小試者不屑爲戴星出入者不暇爲擁綈放衙者不肯爲公今此舉貫今昔以聯銜合人已而例次視彼沉碑漢水自爲不朽計者不可同年而語矣雖然自嘗情觀之題名一片石耳何有何無何關治行爲哉殊不知自古君子建功立業未有不克勤小物者是故武侯治蜀料理井竈陶桓公欲致力中原朝夕運甕公於片石題名且汲汲是圖則凡三事以靖位六事以勤民寧或悠悠玩愒而不克廼績耶抑嘗聞之公之先大夫恭簡公往時仗鉞邊陲業勲煌煌載在國史餘慶流光公當繼述他日鴻漸雲遠羽儀廊廟使人稱曰恭簡有聞孫恭簡不亡矣公其勉乎哉予耄矣於文字無能爲役因公有命敢效忠告

重建清江縣儒學記

翰林院侍讀學士 錢溥 華亭人

國朝崇儒養士踰百年矣然士之出為世用者亦本其山川靈異之所孕前輩型範之所造就上之人振舉而作興之有其道乃克成其材憲於時而芳百世非偶然也臨江為江西大郡而清江又麗郡之望邑勢控上游山環水秀風氣攸聚故民生其間敦本而易化士業詩書而蹈禮義者衆宋有三司磨勘劉公嘗聚書千卷名墨莊致其孫公是公非二先生學貫今古為世大儒四世孫清之得文公先生為作記元臨

川吳文正公又與八世孫自得作後記可見劉氏子孫之出自墨莊者不獨以科第顯又世與有道之儒接揚芬委祉於其後人繇歷數世而書香不泯他如王荆公之生府解向子諲之居薊林文仲武仲平仲之三孔文學德行與劉氏輝映後先蔚為西江之望士沐餘膏而振芳烈者踵武而起孰謂人材不本山川所孕與前輩之所造就者乎夫以一墨莊之售於家義種而仁獲尚收人望於既久矧今邑學為育材而後諸書有閣明倫有堂釋菜有廟以道而畜勵之以材而思之則得材不愈於劉氏乎我

太祖高皇帝親飛之初親御西江削平僭偽即以興學

為首務

英宗睿皇帝以敦學未覈其實

勅命憲臣經明行潔者以專提督若今僉憲潮陽李公景齡自侍御史歷詹僕二丞而陞是任天順癸未秋按臨至邑願瞻庠舍歲入於敝乃命其令葉洪曰是豈樂育地耶洪即勸率其民曾子貫買良材於荆楚爰圖興作而繼以憂去遼郡守陳侯浩通守王侯維至遂協興復之志同府鄧侯璿推府杜侯晟至尤堅替襄之力邑丞蕭韶邑判沈儁咸樂募勸以助成之

自文廟儀門櫺星門兩廡以及改學門於東復明倫堂於舊址兩齋仍附堂左右輪奐一新崇邃宏麗有加於昔於是學諭侯鉞司訓鄭亮尹儀以陳侯予同鄉也託寓書來請記予謂鄉舉里選之法廢而士多雜出之塗糊名易書之禁興而士進於有司者率尚詞華之末而本之則漠焉未之能講幸今憲臣提督之設歲省月試察德行道藝爲等差崇雅而黜浮有司取士雖以文而平昔見錄於憲臣則亦古者鄉舉里選之遺意矣矧李公嚴毅獎掖尤知所重而加意如清江者乎清江士子繼今來遊來歌當知

朝廷所以設學校以收卷士之效于無窮非一家之比設憲臣以振舉而作興之者務究其本而窮其源亦非涉文詞爲謀利祿之具而已也是役也經始於成化丙戌春正月落成於丁亥冬十二月而始終董其役則耆民劉悅仁鄧漢霄生員劉璠袁昭輩也邑義士熊本鑑等各助白金有差其姓名里地又詳具於碑陰成化四年戊子八月立石

重脩清江縣學記

臨江府知府

沈

蔡

平湖人

大矣哉孔子之道垂憲萬世有天下者不可一日而舍焉者也故行其道則治不行其道則否然又必先明之而後可以行之也欲明其道而不祇事於學較亦奚以爲洪惟我

朝列聖相承崇重學較自京師達於徼塞凡有郡縣必有廟學此可見孔子之道之大而有功也然郡縣之職或未克共故學較之規制有時而圯吾屬邑清江儒學其創制沿革郡志載之詳矣志稱學之制廣十

五丈表四十五丈天順改元民有談于傑者施其地
與井之密邇膳堂者入學遂益爲五十五丈五尺積
歲旣久右偏之地寢爲居民侵偪齋廡之外溷廁櫛
比而穢褻特甚其前又爲民居隘塞之大成殿之楹
棟多腐撓有玷於墜者其餘圯壞大率稱是成化二
十年甲辰冬榮來守臨江脩謂文廟洊及邑學觀厥
圯壞大爲弗克共職之懼方謀所以脩飭之而總學
政副使馮公蘭按郡考較益振作斯舉以其學刑所
贖金若干來資之榮不敏屬比年水旱未遑也歲丙
午冬十月乃令民之隘塞其前者聽其自擇地之在

官而善便者助其力而遷之得其故地幅圓可一畝
許侵偪於其右者俾復歸之其前之廣僅得一十四
丈後得一十三丈蓋侵於民者詢其情不忍於盡復
也於是鳩工市材訊日興事腐者俾堅撓者俾植殿
廡堂齋門廩廨舍有仍其舊者有撤而新者繚之以
垣樹之以屏漸次就緒至是爲丁未冬十有一月而
後庶幾有加於舊觀然未敢以爲予職之克共也於
時敖先生山來代馮予亦得調聞代予者戴公理自
萊州來其能胥銳意於今所未備較然矣相予者同
知王佐繼至則通判張晟推官方悉知縣李穆而身

其勞經營於其所者寔訓導姚黻惟是費不妄而功
克成黻之力居多爲之贊襄者教諭何觀訓導王佑
典史李芳屬課之者着民熊可謨也雖然是役也不
發公帑不賸民力而克苟完直有司之事爾若夫明
孔子之道大行於時以弼成至治則在教於斯學於
斯者交致其力云落成之年冬十二月嘉興沈棻記

新塗魯鐸書併篆額

